

PARLAMENT FEDERACIJE BOSNE I HERCEGOVINE

DOM NARODA

DELEGATI:

MIRNES BAŠIĆ

FAHRUDIN ČOLAKOVIĆ

AMIR ORLOVIĆ

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

3-10

Primljeno:		28-05-2024	
Org. jed.	Broj	Priloga	Vrijednost
01,02	- 02 -	1198	124

PREDSTAVNIČKI DOM

ZASTUPNICI:

KENELA ZUKO

MAHIR MEŠALIĆ

Bosna i Hercegovina

Federacija Bosne i Hercegovine

Parlament Federacije Bosne i Hercegovine

Dom naroda

n/r Predsjedavajući

Predstavnički dom

n/r Predsjedavajući

U skladu sa članom 164. Poslovnika o radu Doma naroda i članom 172. Poslovnika o radu Predstavničkog doma Parlamenta Federacije Bosne i Hercegovine u skraćenoj proceduri podnosimo

**PRIJEDLOG ZAKONA O IZMJENAMA I DOPUNAMA ZAKONA O PRAVIMA
DEMOBILIZIRANIH BRANILACA I ČLANOVA NJIHOVIH PORODICA**

Molimo Vas da prijedlog zakona uputite Vladi Federacije radi dostavljanja mišljenja u Poslovníkom predviđenom roku.

Razlog za skraćenu proceduru je dodatno obraložen.

U prilogu akta dostavljamo vam tekst prijedloga zakona na tri službena jezika.

S poštovanjem.

Kenela Zuko

Mahir Mešalić

Mirnes Bašić

Fahrudin Čolaković

Amir Orlović

BOSNA I HERCEGOVINA

FEDERACIJA BOSNE I HERCEGOVINE

PARLAMENT FEDERACIJE BOSNE I HERCEGOVINE

**DOM NARODA
(PRIJEDLOG)**

DELEGATI:

MIRNES BAŠIĆ

FAHRUDIN ČOLAKOVIĆ

AMIR ORLOVIĆ

PREDSTAVNIČKI DOM

ZASTUPNICI:

KENELA ZUKO

MAHIR MEŠALIĆ

**ZAKON O IZMJENAMA I DOPUNAMA ZAKONA O PRAVIMA DEMOBILIZIRANIH
BRANILACA I ČLANOVA NJIHOVIH PORODICA**

Sarajevo, maj 2024.godine

PRIJEDLOG ZA DONOŠENJE ZAKONA PO SKRAĆENOJ PROCEDURI

Predlaže se donošenje ovog zakona po skraćenoj proceduri usvajanja u cilju konačnog rješavanja statusa pripadnika Armije RBiH, HVO-a i policije. S obzirom na činjenicu da se ne radi o obimnom zakonu smatramo da nije potrebna redovna procedura.

Također, smatramo da se izmjene zakona mogu razmatrati po skraćenoj proceduri jer ne prejudiciraju obim i način raspodjele sredstava gdje će se Vladi Federacije ostaviti dovoljno vremena za razradu pomenutih izmjena.

Iz gore navedenog smatramo da su ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine („Službene novine FBiH“ br. 27/03, 21/09 i 24/20 i člana 172. Poslovnika o radu Predstavničkog doma Parlamenta Federacije Bosne i Hercegovine („Službene novine FBiH“ br. 69/07, 2/08 i 26/20).

Zbog svega navedenog predlažemo da se ove izmjene i dopune Zakona o pravima branilaca i članova njihovih porodica razmatraju po skraćenoj proceduri.

ZAKON O IZMJENAMA I DOPUNAMA ZAKONA O PRAVIMA DEMOBILIZIRANIH BRANILACA I ČLANOVA NJIHOVIH PORODICA

Član 1.

U Zakonu o pravima demobiliziranih branilaca i članova njihovih porodica („Službene novine Federacije BiH“, br 54/19, 29/22 i 81/23) u članu 4. iza tačke „p“ dodaje se nova tačka koja glasi

„r. Borački dodatak“

Član 2.

Iza člana 50. dodaje se novi član 51. koji glasi

„r)Borački dodatak

Član 51

Borački dodatak u smislu ovog zakona je novčana naknada zaposlenim i penzionisanim demobiliziranim braniocima koja se dodjeljuje pod uslovima, na način i u visini koju odredi Vlada Federacije Bosne i Hercegovine.

Sredstva iz stava (1) ovog člana obezbijedit će se iz budžeta Federacije u iznosu od najmanje 2% ukupnog budžeta Federacije, uz obavezu godišnjeg usklađivanja sa rastom cijena i inflacijom.

Vlada Federacije je dužna, uz konsultaciju sa udruženjima koja okupljaju demobilizirane branioce, u roku od 60 dana od stupanja na snagu ovih izmjena i dopuna Zakona donijeti propise o načinu ostvarenja prava iz stava (1) ovog člana“.

Dosadašnji članovi od 51. do 55. postaju članovi od 52. do 56.

Član 3.

Izmjene Zakona stupaju na snagu 8 dana od dana objavljivanja u Službenim novinama Federacije Bosne i Hercegovine, a primjenjuju se od 01.01.2025.godine.

OBRAZLOŽENJE PRIJEDLOGA ZAKONA O IZMJENAMA I DOPUNAMA ZAKONA O PRAVIMA DEMOBILIZIRANIH BRANILACA I ČLANOVA NJIHOVIH PORODICA

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u članu III.2.e, a u vezi sa članom III.3/3 Ustava Federacije Bosne i Hercegovine, prema kome Federalna vlast, kada se radi o zakonima i drugim propisima koji su obavezujući za područje cijele Federacije Bosne i Hercegovine ima pravo utvrđivati politiku i donositi zakone u oblasti socijalne politike.

Imajući u vidu prethodno pomenutu ustavnu odredbu federalna vlast ima pravo utvrđivati politiku i donositi zakone i druge propise koji su obavezujući na području cijele Federacije Bosne i Hercegovine i bez prethodne saglasnosti kantona, čak i ako su u pitanju zajedničke nadležnosti.

Također, ustavni osnov za donošenje ovog zakona sadržan je u dijelu Poglavlja III A 5, 20 1 d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

II – RAZLOZI ZA DONOŠENJE ZAKONA

Nakon što su delegati u Domu naroda Parlamenta Federacije Bosne i Hercegovine (Fahrudin Čolaković i Mirnes Bašić) podnijeli inicijativu prema Vladi Federacije Bosne i Hercegovine u smislu uvođenja prava na borački dodatak za branioce i nakon što je Vlada Federacije istu inicijativu odbila, stekli su se uslovi da grupa delegata predloži prijedlog zakona o izmjenama i dopunama zakona o pravima demobiliziranih branilaca i članova njihovih porodica.

Radi se o izmjenama koje nisu obimne i koje ne prejudiciraju visinu naknade za demobilizirane branioce nego samo utvđuju donju granicu ukupnih opredjeljenih sredstava iz budžeta Federacije Bosne i Hercegovine.

Donošenjem Zakona o pravima demobiliziranih branilaca i članova njihovih porodica kao kategorija branilačke populacije nezaposleni demobilizirani branioци osigurani su kroz uvođenje egzistencijalne naknade koja se isplaćuje na mjesečnom nivou, i to za demobilizirane branioce mlađe od 57 godina sredstva se obezbjeđuju iz budžeta kantona, dok se za demobilizirane branioce sa navršениh 57 godina i starije sredstva obezbjeđuju iz budžeta Federacije Bosne i Hercegovine.

Svjedoci smo da branilačka populacija prirodno nestaje i da na transferima koji su opredjeljeni za branilačku populaciju ostaje neutrošenog novca koji se u rebalansu (izmjenama i dopunama budžeta Federacije Bosne i Hercegovine) prebacuje na druge transfere.

Na drugoj strani imamo kategoriju branilaca koji od agresije pa na ovamo nisu adekvatno nagrađeni za provedeno vrijeme u odbrani države. To su, između ostalih, zaposleni i penzionisani demobilizirani branioци.

III – FINANSIJSKA SREDSTVA

Za provođenje izmjena i dopuna Zakona o pravima demobiliziranih branilaca i članova njihovih porodica nisu potrebna dodatna sredstva u tekućoj 2024. godini.

Za provođenje ovih izmjena i dopuna Zakona potrebna su dodatna sredstva u iznosu od oko 150.000.000,00 KM koja će se obezbijediti iz budžeta Federacije Bosne i Hercegovine za 2025. godinu.

Ovim izmjenama se trajno rješava pitanje statusa demobiliziranih branilaca u Federaciji Bosne i Hercegovine.

IV – POJAŠNJENJE POJEDINIH ODREDBI

Članom 1 – propisano je da se u Zakonu o pravima demobiliziranih branilaca i članova njihovih porodica u članu 4. iza tačke „p“ dodaje nova tačka „r. Borački dodatak“.

Članom 2 – propisano je da se iza člana 50. dodaje novi član 51. „Borački dodatak“ gdje je propisano da Vlada Federacije Bosne i Hercegovine propisuje uslove, način i visinu boračkog dodatka. Također, definisana je donja granica opredjeljenih sredstava iz budžeta Federacije Bosne i Hercegovine za ostvarivanje navedenog prava kao i rok za donošenje podzakonskih akata koji će detaljnije regulirati ovu oblast.

Članom 3 – propisani su datumi stupanja na snagu zakona kao i početak primjene.